

四庫全書

子部

欽定四庫全書

子部

管子卷十六至十八

詳校官中書臣徐志晉

編修臣倉聖脈覆勘

總校官進士臣楊懋珩

校對官中書臣李 棻

謄錄監生臣曹錫璜

欽定四庫全書

管子卷十六

唐 房玄齡 注

內業第四十九

區言五

凡物之精此則為生

精謂神之至靈者也得此則為生

下生五穀上為

列星流於天地之間謂之鬼神藏於冑中謂之聖人是

故民氣

謂上之精者則人氣也

杲乎如登於天

杲明貌也

杳乎如入於

淵淖

女教反

乎如在於海

淖約淵也

卒乎如在於已

人有氣則存故如在

也於已是故此氣也不可止以力以力止之而可安以德氣愈去

靜心念德氣自來也不可呼以聲而可迎以音調其宮商使之敬克諧氣自來也

守勿失是謂成德不失氣德成而智出德成智萬物果自生也

得以智安物凡心之刑刑法也謂得自充自盈充盈謂

虧也自生自成凡此皆得安心法故也其所以失之必凡此皆得安心法故也

以憂樂喜怒欲利此六者過常以能去憂樂喜怒欲利亂於心則失矣

心乃反濟若能去六者則心反彼心之情利安以寧安

者心之所利也勿煩勿亂和乃自成若無煩亂折折乎如在於心和自成

側忽忽乎如將不得

折折明貌言心明察若在其側及其求之則忽忽然而不得

渺

渺乎如窮無極

渺渺微遠貌言心之微遠如欲窮之則無其極

此稽不遠日用

其德

常以此考心不遠之則日有所用也

夫道者所以充形也

自形內而虛者皆道

而人不能固

人不能固守其虛反以利欲塞也

其往不復其來不舍

既有

利欲之心則道往而不復雖其有來無處可舍

謀乎莫聞其音

今謀欲尋於道則不聞其音

卒乎乃在於心冥冥乎不見其形

尋至於極則近於心心之方寸虛道之君

乎淫淫乎與我俱生

淫淫增進貌有生則有道故曰與我俱生也

不見其形

不聞其聲而序其成謂之道

雖無形聲常依序而成故謂之道也

凡道無所善心安愛

言道無他善唯愛心安也

心靜氣理道乃可止

若靜心則氣自調理故道來止也

彼道不遠民得以產

人得之以生則道在人故不遠

也彼道不離民因以知

人既因道而知則道常在而不離

是故卒乎

其如可與索

推尋其終似可與索

眇眇乎其如窮無所

及欲窮之則眇眇然

無彼道之情惡音與聲

音聲者所以亂道故惡之也

修心靜音道乃

可得道也者口之所不能言也目之所不能視也耳之

所不能聽也所以修心而正形也

雖不可以言語視聽用之修心則外形自

也正人之所失以死所得以生也事之所失以敗所得以

成也

凡道無根無莖無葉無榮

道非如卉木而有根莖花葉也

萬物以生萬

物以成命之曰道

無根莖而能生無花葉而能成則陰陽不測者也故命之曰道

天主正

平分四時天之正也

地主平

均生萬物地之平也

人主安靜

無為而無不為人

春

秋冬夏天之時也山陵川谷地之枝也

為地之枝條也

喜怒取予

人之謀也

四者謀之用也

是故聖人與時變而不化

時自變耳聖本不化

從

物而不移

物遷而從之聖本不移

能正能靜然後能定

必正靜然後定也

定

心在中耳目聰明四枝堅固

心苟定於中則耳目自聰明四枝自堅固者也

可以

為精舍

心者精之所舍

精也者氣之精者也

氣之尤精者為之精

氣道乃生

氣得道能有生

生乃思

生則有心故思也

思乃知

思則知生也

知乃止矣

成智

則理足故止也

凡心之形過知失生

安心之法智過其度則失其生

一物能化

謂之神一事能變謂之智

一謂無也謂無心於物事而物事自變化以為神智也

化不易氣變不易智惟執一之君子能為此乎

苟執一故能不

易其氣智也

執一不失常君萬物

無心為有心者主也

君子使物不為

物使

無心故能使物而使不能使也

得一之理治心在於中

苟得中則心自治矣

治言出於口治事加於人

則無狂事

然則天下治矣一言得

而天下服一言定而天下聽公之謂也

理心之謂

形不正德

不來中不靜心不治正形攝德天仁地義則淫然而自

至

言欲正形攝德但能則天之仁法地之義則德淫然自至淫進貌也

神明之極照乎知

照智者神明之極理

萬物中義守不忒

若常守中則無差忒

不以物亂官

貪

則官亂

不以官亂心

貪官則心亂也

是謂中得

能忘官貨則中心自得也

有神

自在身

中得則神自在身也

一往一來莫之能思

神不測者也故往來不能思也

失之必亂得之必治

謂神也

敬除其舍精將自來精想思

之

除謂有則想思之

寧念治之

寧靜思念則心自治

嚴容畏敬精將至定

但能嚴敬則精至而定也

得之而勿舍耳目不淫心無他圖

既得精守之而

勿捨則耳目不淫心無他慮也

正心在中萬物得度

心在中而正則無過舉故萬物得度

也道滿天下普在民所民不能知也

言人皆有道但不能自知耳但一

言之解上察於天下極於地蟠滿九州

若能解道之一言則能察天極

地而中滿於九州蟠委地也

何謂解之在於心安

解道者在於心安我心治

官乃治我心安官乃安

言官之治安皆從心生也

治之者心也安之

者心也

治之與安心無不由心以藏心

言心亦藏於心也

心之中又有心

焉

以心藏心故心中又有心

彼心之心

謂心中所藏之心

音以先言

言從音生故音

先音然後形有音然形然後言有形則言然後使有言

命故有言使然後治不治必亂使而違亂乃死亂則凶禍

精存自生其外安榮精存於中則自然長生內藏以為

泉原內藏於精則無窮竭若水之泉浩然和平以為氣淵言精既浩然

氣故為淵之不涸四體乃固生氣之淵不有竭泉之不

竭九竅遂通藏精之泉不竭乃能窮天地被四海體固

故能壽卑天地德被四海中無惑意外無邪蓄邪蓄生於惑意故內

也心全於中形全於外中全則不逢天蓄不遇人害天

人害能禍不全者也

謂之聖人人能正靜皮膚裕寬耳目聰明筋

信而骨強

但能正靜則皮膚自裕寬耳目自聰明筋骨自中強

乃能戴大圜天也而

履大方

地也

鑒於大清

道也

視於大明

日月也

敬慎無忒日新

其德徧知天下窮於四極敬發其充

充謂道也

是謂內得

發行

於道故內得也

然而不反此生之忒

忒差也若不反守於道則生有差謬也

凡道必周必密

周密則慎不泄

必寬必舒

寬舒則博而密

必堅必固

堅固

則精不辭

守善勿舍

勿舍則善自成

逐淫澤薄

競逐淫邪津澤浮薄

既知其極

反於道德

知極反德則常道自隆

全心在中不可蔽匿

有諸內必形於外也

和於形容

心和者容畔也

見於膚色

內暢者體澤

善氣迎人親於弟

兄惡氣迎人害於戎兵不言之聲疾於雷鼓

謂全心以德感物者

也德者不疾而速不崇朝而遍天下故疾於雷鼓也

心氣之形明於日月察於父

母

全心之氣發形於外則無不耀無不知若明於日月察於父母也

賞不足以勸善

慕

乃善非本為善刑不足以懲過

畏刑懲過非本無過

氣意得而天下服

若不

慕賞不畏刑意氣內得此誠善也故天下服

心意定而天下聽

心意定則理明故天下聽

搏氣如神萬物備存

搏謂結聚也結聚純氣則無所不變化故如神而物備存矣

能搏乎能一乎

搏結則自一也

能無卜筮而知吉凶乎

吉凶在於逆順

故不須卜能止乎能已乎謂正而求能勿求諸人而得

之已乎求人者惑自得者明思之思之又重思之求已者必須再三思之也思

之而不通鬼神將通之若再三思之而不通則非鬼神

之力也精氣之極也言今能致鬼神者非鬼神自見其力蓋由思之不已精氣之極也

四體既正血氣既靜一意搏心耳目不淫雖遠若近言

體正氣靜意一心搏耳目之用不有淫過事雖遠大可以近速而成也思索生知近而遇

知自慢易生憂疎慢輕易必致凶禍故生憂暴傲生怨殘暴傲虐傷

怨憂鬱生疾憂恚鬱塞懷不通暢故生疾也疾困乃死既疾而困可思謂彌留而死

之而不捨內困外薄

思欲不捨則五藏困於內形骸薄於外也

不蚤為圖生

將巽舍

既已內困外薄尚不圖之如此則生將巽適其舍而至於死期也

食莫若無飽

飽食者善閉塞

思莫若勿致

致思者多困竭

節適之齊彼將自至

齊中也言

能節食適思常莫過中則生將自至

凡人之生也天出其精

言稟精於天也

地出

其形

地出衣食以養成其形

合此以為人

言合天地精氣以成人

和乃生

二氣

和乃成其生也

不和不生察和之道其精不見其微不醜

醜類也言

欲察和則精不可見至於微驗又不知其類也

平正擅匈論治在心此以長壽

和之精類雖不可見但能平而正則和氣獨擅於匈中論其適理又不離心如此則可以益算而長壽也

怒之失度乃為之圖

若忿怒過度則當圖而去之

節其五欲去其二

凶

喜怒過度皆能為害故曰二凶

不喜不怒平正擅匈

不喜不怒可謂和也故能既平

且正獨擅於胸中也

凡人之生也必以平正所以失之必以喜怒

憂患是故止怒莫若詩

詩有清風之慰故能止怒

去憂莫若樂節樂

莫若禮守禮莫若敬守敬莫若靜內靜外敬能反其性

性將大定凡食之道大充傷而形不臧

大充謂過於飽

大攝骨

枯而血涸

大攝謂過於飢血涸謂血銷減而凝涸

充攝之間此謂和成

問猶

中也充攝得中則和暢而有所成也

精之所舍而知之所生

言精智生舍於和成飢

飽之失度乃為之圖

圖之令合於度

飽則疾動

飽而疾動則食氣銷

飢則

廣思

飢而廣思則忘其飢

老則長慮

老而長慮則遺其老

飽不疾動氣不通

於四末

四末四支

飢不廣思飽而不廢

廢止也

老不長慮困乃

邀竭

令老則益困而連竭

大心而敢

心既浩大又能勇敢

寬氣而廣

當寬舒其氣而

廣有所容

其形安而不移

形安則志固故不移

能守一而弃萬苛

守一則懸

煩故能弃萬苛也

見利不誘見害不懼寬舒而仁獨樂其身是

謂雲氣意行似天

能調其氣故比於雲意之行氣似天之布雲也

凡人之生也必

以其歡

歡則志氣和故生也

憂則失紀怒則失端

憂怒過常則失其端紀

憂

悲喜怒道乃無處

憂怒則害道故道無所處

愛慾靜之遇亂正之

謂若

愛慾則當靜之若遇廢亂則當正之

勿引勿推福將自歸

去而勿引來而勿推但任平而

往福則自歸也

彼道自來可藉與謀

藉因也因其自來而與之謀則意動而理盡

靜

則得之躁則失之靈氣在心一來一逝

靜則來躁則逝

其細無

內其大無外所以失之以躁為害心能執靜道將自定

得道之人理丞而屯泄匈中無敗

謂膝理丞達屯聚泄散故匈中無敗

節

欲之道萬物不害

能節欲則物無害也

封禪第五十

元篇亡今以司馬遷封禪書所載管子言以補之

禘篇一

桓公既霸會諸侯於葵丘而欲封禪管仲曰古者封泰山禪梁父者七十二家而夷吾所記者十有二焉昔無

懷氏

古之王者在伏羲前

封泰山禪云云

云云山在梁父東

處羲封泰山

禪云云神農封泰山禪云云炎帝封泰山禪云云黃帝

封泰山禪亭亭

亭亭山在牟陰

顓頊封泰山禪云云帝嚳封泰

山禪云云堯封泰山禪云云舜封泰山禪云云禹封泰

山禪會稽湯封泰山禪云云周成王封泰山禪社首

山名

在博縣或云在鉅平南十三里

皆受命然後得封禪桓公曰寡人北伐

山戎過孤竹西伐大夏涉流沙東馬懸車上卑耳之山

將江山纏束其馬懸釣其車也卑耳即齊語所謂辟耳南伐至召陵登熊耳山以

望江漢兵車之會三而乘車之會六九合諸侯一匡天

下諸侯莫違我昔三代受命亦何以異乎於是管仲睹

桓公不可窮以辭因設之以事曰古之封禪鄒上之黍

北里之禾鄒上山也鄒音臚鄒上北里皆地名所以為盛江淮之間一茅

三脊所謂靈茅所以為藉也東海致比目之魚各有一目不比不行其名

曰鰈西海致比翼之鳥各有一翼不比不飛其名曰鷓鷀然後物有不召

而自至者十有五焉今鳳凰麒麟不來嘉穀不生而蓬蒿藜莠茂鳩巢數至而欲封禪毋乃不可乎於是桓公乃止

小問第五十一

禘篇二

桓公問管子曰治而不亂明而不蔽若何管子對曰明分任職則治而不亂明而不蔽矣公曰請問富國奈何管子對曰力地而動於時則國必富矣

謂動力於地利其所動作必合

於天

公又問曰吾欲行廣仁大義以利天下奚為而可

管子對曰誅暴禁非

此大義也

存亡繼絕而赦無罪

此廣仁也

則

仁廣而義大矣公曰吾聞之也夫誅暴禁非而赦無罪

者必有戰勝之器攻取之數而後能誅暴禁非而赦無

罪公曰請問戰勝之器管子對曰選天下之豪傑致天

下之精材來天下之良工則有戰勝之器矣公曰攻取

之數何如管子對曰毀其備散其積奪之食則無固城

矣

毀備奪食則無以守故其城不固此謂攻也

公曰然則取之若何

謂取其土

管

子對曰假而禮之

假謂假借之恩

厚而勿欺

厚謂重之以德

則天下之

士至矣公曰致天下之精材若何

精材謂美材可為軍之器用也

管子

對曰五而六之九而十之不可為數

欲致精材者必當貴其價故他處直

五我酬之六他處直九我酬之十常令貴其一分不可為定數如此則天下精材可致也

公曰來工

若何管子對曰三倍不遠千里

酬工匠之庸直常三倍他處則工人不以千里

為遠皆至矣

桓公曰吾已知戰勝之器攻取之數矣請問行

軍襲邑舉錯而知先後不失地利若何管子對曰用貨

察圖

用貨為反間則知其先後察彼國圖則不失地利也

公曰野戰必勝若何管

子對曰以奇

奇謂權誦以勝敵也

公曰吾欲徧知天下若何管子

對曰小以吾不識則天下不足識也

若能博聞多見齊其所不識則知天

下遍矣吾之所識天下亦無人能識之也

公曰守戰遠見有患

為國者必入守出戰今吾

於此二者預見其患矣

夫民不必死則不可與出乎守戰之難

守戰

之難必致死然後可出也

不必信則不可恃而外知

人必誠信然後為君視聽故知

外事

夫恃不死之民而求以守戰恃不信之民而求以

外知此兵之三閤也

苟不死不信則守閤戰閤外閤故曰三閤

使民必死必

信若何管子對曰明三本公曰何謂三本管子對曰三

本者一曰固二曰尊三曰質公曰何謂也管子對曰故

國父母墳墓之所在固也

人既戀本而哀墳墓則其心固

田宅爵祿尊

也妻子質也三者備然後大其威厲其意則民必死而

不我欺也

不我欺則信也

桓公問治民於管子管子對曰凡牧

民者必知其疾

疾謂患苦也

而憂之以德勿懼以罪勿止以

力

頻力役則止而不來

慎此四者足以治民也桓公曰寡人睹其

善也何為其寡也

謂四言雖善然以之理國恐其太少

管仲對曰夫寡非

有國者之患也

患在不能行不在寡少也

昔者天子中立地方千里

四言者該焉何為其寡也

該備也謂四言足以備千里之化不為少

夫牧民

不知其疾則民疾

疾謂憎嫌之也

不憂以德則民多怨懼之以

罪則民多詐

設詐以避罪也

止之以力則往者不反

創其力來役之苦

者鷙距

鷙疑也距止也聞其役煩則疑而止也

故聖王之牧民也不在其

多也桓公曰善勿已如是又何以行之

其事既善雖然不但如是而已

更有何事以行此四言也

管仲對曰質信極忠

質主也謂主能得信又極忠也

嚴以

有禮慎此四者所以行之也桓公曰請聞其說管仲對

曰信也者民信之忠也者民懷之嚴也者民畏之禮也

者民美之語曰澤命不渝信也

謂恩澤之命不渝變如此者信也

非其

所欲勿施於人仁也

仁者忠於人也

堅中外正嚴也質信以讓

禮也

主行於信又能遜讓如此者禮也

桓公曰善哉牧民何先管子對

曰有時先事有時先政有時先德有時先恕飄風暴雨

不為人害涸旱不為民患百川道

百川之流皆從故道

年穀熟糴貸

賤禽獸與人聚食民食

年穀熟則禽獸食人之食

民不疾疫當此時

也民富且驕牧民者厚收善歲以充倉廩

善歲謂有年

禁藪

澤此謂先之以事隨之以刑敬之以禮樂以振其淫

振正

也禮樂者所以正人淫放

此謂先之以政飄風暴雨為民害涸旱為

民患年穀不熟歲饑糴貸貴民疾疫當此時也民貧且
罷牧民者發倉廩山林數澤以共其財後之以事先之
以恕以振其罷此謂先之以德其收之也不奪民財謂善
歲也其施之也不失有德謂凶年也富上而足下此聖王之至

事也桓公曰善

桓公問管仲曰寡人欲霸以二三子之功既得霸矣今

吾欲有王其可乎管仲對曰公當召叔牙而問焉管仲知桓

公不可王難以實鮑叔至公又問焉鮑叔對曰公當召
對故推令問叔牙

賓胥無而問焉賓胥無趨而進公又問焉賓胥無對曰

古之王者其君豐其臣教

君豐臣教則君能制臣故可以王也

今君之臣

豐

言德豐於君也

公遵遁繆然遠二三子遂徐行而進

言公之所遵行

者皆流遁繆妄之事無所比可謂遠於二三子但當塗而漸以取進耳欲王天下恐未可

公曰昔者

大王賢王季賢文王賢武王賢武王伐殷克之七年而

崩周公旦輔成王而治天下僅能制於四海之內矣今

寡人之子不若寡人寡人不若二三子以此觀之則吾

不王必矣

桓公曰我欲勝民

言欲勝服於民

為之奈何管仲對曰此非人

君之言也

人君之言當仁以化之不可直用刑勝也

勝民為易夫勝民之為

道非天下之大道也君欲勝民則使有司疏獄而謁有

罪者償

謂疏錄獄囚謁告有罪者則償之也

數省而嚴誅

數省有過嚴其誅罪

若此

則民勝矣雖然勝民之為道非天下之大道也使民畏

公而不見親

嚴刑故也

禍亟及於身

二世嚴刑身戮望夷

雖能不久

雖能

勝人不則人持莫之弒也危哉

持謂見劫執也

君之國

吸乎

桓公觀於廐問廢吏曰廢何事最難廢吏未對管仲對

曰夷吾嘗為園人矣

園養馬者

傅馬棧最難

謂編次之棧馬所立木也

先

傅曲木曲木又求曲木

編棧者先附曲木其類

曲木已傅

直木無所施矣

既用曲木又施直木則失其類而棧敗矣喻小

先傅

直木直木又求直木直木已傅曲木亦無所施矣

喻君子用

則小人退

桓公謂管仲曰吾欲伐大國之不服者奈何管仲對曰

先愛四封之內然後可以惡竟外之不善者

四封之內見愛則人

致死可以惡竟外之不善者

先定卿大夫之家然後可以危鄰之敵

國

卿大夫之家既定則國強故可以危鄰國

是故先王必有置也然後有廢

也

已國有置然後廢他國也

必有利也然後有害也

能利已國然後可以害他國也

桓公踐位令釁社塞禱

殺生以血澆落於社曰釁社

祝鳧已疵獻胙

祝祝

史鳧疵其名也非祭肉也

祝曰除君苛疾

祝令除君煩苛之疾

與若之多虛而

少實

若似也謂君之材能多似有而非實如此者亦祝去之也

桓公不說瞑目而視

祝鳧已疵祝鳧已疵授酒而祭之曰又與君之若賢

謂君

似賢亦當去之

桓公怒將誅之而未也以復管仲

復猶告也

管仲於

是知桓公之可以霸也

祝史誣君之惡君怒而將誅之是心務善也故知可與霸也

桓公乘馬虎望見之而伏桓公問管仲曰今者寡人乘

馬虎望見寡人而不敢行其故何也管仲對曰意者君

乘駮馬而泮桓迎日而馳乎

泮古盤字

公曰然管仲對曰此

駮象也駮食虎豹故虎疑馬

楚伐莒莒君使人求救於齊桓公將救之管仲曰君勿

救也公曰其故何也管仲對曰臣與其使者言三辱其

君顏色不變

辱其君而色不變則無羞恥也

臣使官無蒲其禮三

三加其禮

皆不 强其使者爭之以死 不識不滿之意纒激强 莒君

小人也君勿救

其使不賢故知其若小人也

桓公果不救而莒亡

桓公放春三月觀於野

春物放發故曰放春

桓公曰何物可比於

君子之德乎隰朋對曰夫粟內甲以處中有卷城外有

兵刃

種粟者甲在內而處葉居外而卷若城苗之纖芒在外有兵刃

未敢自恃自命曰

粟

粟之物用雖如此然不敢自恃故自名曰粟粟則謹促之名也

此其可比於君子之

德乎管仲曰苗始其少也

胡絹切目搖也

乎何其孺子也

胸胸柔順貌殺苗始則柔順故似孺子也

至其壯也莊莊乎何其士也

莊謂苗轉

長大莊莊
矜直貌也
至其成也由由乎茲免何其君子也
由由悅也實貌

茲勉謂益
有謹勵
天下得之則安
人以穀為命
不得則危故命之曰

禾
以其和調人之性命
此其可比於君子之德矣桓公曰善

桓公北伐孤竹未至卑耳之谿十里關然止矜然視
關住

立貌矜驚視貌
援弓將射引而未敢發也謂左右曰見是前人

乎左右對曰不見也公曰事其不濟乎寡人大惑今者寡人見人長尺而人物具焉冠右祛衣走馬前疾事其不濟乎寡人大惑豈有人若此者乎管仲對曰臣聞登

山之神有俞兒者長尺而人物具焉霸王之君興而登

山神見且走馬前疾道也祛衣示前有水也右祛衣示

從右方涉也至卑耳之谿有贊水者

謂贊引渡水者

曰從左方

涉其深及冠從右方涉其深至膝若右涉其大濟桓公

立拜管仲於馬前曰仲父之聖至若此寡人之抵罪也

久矣

抵當也不知仲父之聖是寡人當有罪久矣

管仲對曰夷吾聞之聖人

先知無形今已有形而後知之臣非聖也善承教也

善承

古人之法

桓公使管仲求甯戚甯戚應之曰浩浩乎管仲不知至

中食而慮之婢子曰公何慮管仲曰非婢子之所知也

婢子曰公其毋少少毋賤賤昔者吳干戰干江邊地也未齧

不得入軍門齧毀齒也國子擿其齒遂入為干國多戰功口多言於

千戰國子功多也百里傒秦國之飯牛者也穆公舉而相之遂

霸諸侯由是觀之賤豈可賤少豈可少哉管仲曰然公

使我求甯戚甯戚應我曰浩浩乎吾不識婢子曰詩有

之浩浩者水育育者魚水浩浩然成大魚育育然相與而遊其中喻時人皆得配偶以

居其室家寧戚有伉儷言誰當未有室家而安召我居召我授

之配匹與之言誰當甯子其欲室乎為居乎也

桓公與管仲闔門而謀伐莒未發也而已聞於國矣桓

公怒謂管仲曰寡人與仲父闔門而謀伐莒未發也而

已聞於國其故何也管仲曰國必有聖人桓公曰然夫

日之役者有執席食以視上者必彼是邪桓公與管仲謀時役人於

前乃有執席而食私目視上所於是乃令之復役毋復

相代時執席而食者代人入役因得察君今少焉東郭

不令相代彼亦知若覺已必當來也

郵至桓公令儉者延而上

儉謂贊引賓客者也

與之分級而上

以公

客禮待之故與之分級而上謂使之就賓階也

問焉曰子言伐莒者乎東郭郵

曰然臣也桓公曰寡人不言伐莒而子言伐莒其故何

也東郭郵對曰臣聞之君子善謀而小人善意

善以意度之也

臣意之也桓公曰子奚以意之東郭郵曰夫欣然喜樂

者鐘鼓之色也夫淵然清靜者縗絰之色也溲然豐滿

心在兵武形氣

誠故其貌豐滿

而手足拇動者中勇外形必應故手足拇動也

兵甲之

色也日者臣視二君之在臺上也口開而不闔是言莒

也

莒字兩口故二君開口相對即知其言莒

舉手而指勢當莒也且臣觀小

國諸侯之不服者唯莒於是

唯莒不服於是知之

臣故曰伐莒桓

公曰善哉以微射明此之謂乎

言以形色之微知伐國之明也

子其坐

寡人與子同之

同伐莒之謀也

客或欲見於齊桓公請仕上官授祿千鍾公以告管仲

曰君子之容聞之曰臣不仕矣公曰何故對曰臣聞取

人以人者

以人之言然後取人

其去人也亦用人吾不仕矣

管子卷十六

欽定四庫全書

管子卷十七

唐房玄齡注

七臣七主第五十二

禡篇三

或以平虛請論七主之過

謂平意虛心也七主據下唯
有六者皆過主能無此六者

過則為一是主也過主
六是主一故曰七主也

得六過一是以還自鏡以知得

失自得六過則為一是以
自鑒得失可知也

以繩七臣得六過一是嗚呼美

哉成事疾

疾美也繩謂彈正也言以六過繩七臣令臣
無六過是故為一君臣咸有一德故能成美

也申主任勢守數以為常

申謂陳用法令

周聽近遠以績明

近遠

之事周而聽之則其明不絕

皆要審則法令固賞罰必則下服度

皆事

得要而詳審則法令固賞罰必而下皆服其法度也

不備待而得和則民反素也

謂以道德理世之君至仁感物德和自此而至故人皆反於朴素今中主不能然故以為過也

惠主豐

賞厚賜以竭藏赦姦縱過以傷法藏竭則主權哀法傷

則姦門閹故曰泰則反敗矣

謂為惠太過故反成敗也

侵主好惡反

法以自傷

越法行事謂之侵所惡皆反於法故自傷

喜決難知以塞明

決難

知則理不當故明塞也

從狙而好小察

狙伺也謂既任臣有所為必從而伺之

事無

常而法令申不辭則國失勢

辭古伍字謂偶合也言雖申布法令於事不合法既

不行所以失勢也

芒主目伸五色耳常五聲

芒謂芒然不曉識之貌伸謂放恣也

四鄰不計

四鄰與己為牒不計度而知之也

司聲不聽

司聲之官隨君所好不為聽其

理亂之音也

則臣下恣行而國權大傾不辭則所惡及身

所為

既不合理故惡還及身

勞主不明分職上下相干

言失任臣之理勞而無功故曰

勞臣主同則刑振以豐豐振以刻

臣主同勢則俱奮威權故刑罰大振而且

豐多刑豐而又妄振非刻而何也

去之而亂臨之而殆則後世何得

權

振主君欲去之必為亂任而臨之必危殆既亂且危敗亡必及故後代無得也

振主喜怒無度

嚴誅無赦

動發威嚴謂之振也

臣下振怒不知所錯則人反其故

故為先君之理

不辭則法數日衰而國失固

舉措既不合理故數衰而國失固

芒主通人情以質疑故臣下無信盡自治其事則事多

既不自晚故下通人情以問所疑則臣下無所取信皆自任曾臆以理其事人生事故事多也

多則

昏昏則緩急俱植

植立也既昏而不明故緩急之事俱可立

不辭則見所不

善

所為既不合理故其所見之事皆不善

餘力自失而罰

尚有執權餘力已不自責乃遷

怒而罰之

故主虞而安

虞度也主能度宜而行故安但主能度而安則致下數事

吏肅而

嚴民樸而親官無邪吏朝無姦臣下無侵爭世無刑民

凡此皆主虞而安故也

故一人之治亂在其心

在其心之邪正

一國之存

亡在其主

在其主之智愚

天下得失道一人出

道從也一人為主也明主得闇

主失

主好本則民好墾草萊

本謂農桑也

主好貨則人賈市主

好宮室則工匠巧主好文采則女工靡夫楚王好小晉

而美人省食吳王好劍而國士輕死死與不食者天下

之所共惡也然而為之者何也從主之所欲也而况愉

樂音聲之化乎夫男不田女不緇

緇謂黑緇

工技力於無用

謂勑力於無用之器物也

而欲土地之毛

毛謂嘉苗

倉庫滿實不可得也

土地不毛則人不足人不足則逆氣生

不足則怨怒故逆上之氣生

逆氣生則令不行然彊敵發而起雖善者不能存

謂善為計

謀何以効其然也曰昔者桀紂是也誅賢忠近讒賊之

士而貴婦人好殺而不勇好富而忘貧馳獵無窮鼓樂

無厭瑤臺玉舖不足處

玉舖猶玉食

馳車千駟不足乘材女

樂三千人

謂有材能之女樂也

鐘石絲竹之音不絕百姓罷之君

子無死

言不為君致死

卒莫有人人有反心遇周武王遂為周

氏之禽

為周所禽獲也

此營於物而失其情者也

物謂臺榭車音所為侈靡

者愉於淫樂而忘後患者也故設用無度國家踣路謂散亡

舉事不時必受其菑夫倉庫非虛空也必侈費無度故空商官

非虛壞也必弁本逐末故壞也法令非虛亂也必上替下國家非

虛亡也必倒道背理故亡也彼時有春秋歲有敗凶政有急緩政

有急緩故物有輕重政急物輕政緩物重歲有敗凶故民有義不

足歲既敗凶雖有義事不足以行其禮時有春秋故穀有貴賤春穀貴秋穀賤而

上不調淫故游商得以什伯其本也淫過也謂穀物過於貴賤則上當取

散以調之此之不為故游商得什伯之贏以弁其本也百姓之不田貧富之不訾

皆用此作

警限也皆從不調注而作也

城郭不守兵士不用皆道此

始

道從

夫亡國踣家者非無壤土也其所事者非其功也

夫凶歲雷旱非無雨露也其燥濕非其時也亂世煩政

非無法令也其所誅賞者非其人也暴主迷君非無心

腹也其所取舍非其術也故明主有六務四禁六務者

何也一曰節用二曰賢佐三曰法度四曰必誅五曰天

時六曰地宜四禁者何也春無殺伐無割大陵

割謂掘徙之也

裸大行

裸謂焚燒令蕩然俱盡

伐大木斬大山行大火誅大臣取

穀賦

凡此春之禁也

夏無過水達名川

謂偃塞小水合大水

塞大谷動土

功射鳥獸

凡此夏之禁

秋無赦過釋罪緩刑冬無賦爵賞祿

傷伐五穀

五穀之藏

故春政不禁則百長不生夏政不禁則

五穀不成秋政不禁則姦邪不勝冬政不禁則地氣不

藏四者俱犯則陰陽不和風雨不時大水漂州流邑

漂流

謂滿溢於隄防故漂流城邑

大風漂屋折樹火暴焚地焦草

早甚則草焦

天冬雷地冬霆

霆震

草木夏落而秋榮蟄蟲不藏宜死者

生宜蟄者鳴苴多騰菘

苴謂草之翳蒼

山多蟲蠹

蠹即蝨

六畜不

蕃民多夭死國貧法亂逆氣下生故曰臺榭相望者亡國之廡也馳車充國者追寇之馬也

追猶召也言馳車所以召寇

羽

劍珠飾者斬生之斧也文采纂組者燔功之窰也明王

知其然故遠而不近也能去此取彼則人主道備矣

此謂

珠飾等物彼謂節用愛民

夫法者所以興功懼暴也律者所以定分

止爭也令者所以令人知事也法律政令者吏民規矩

繩墨也夫矩不正不可以求方繩不信

音申

不可以求直

法令者君臣之所共立也權勢者人主之所獨守也故

人主失守則危臣吏失守則亂罪決於吏則治有罪者吏必能

決決之 權斷於主則威民信其法則親是故明王審法

慎權下上有分下慎罰上執權 夫凡私之所起必生於主

主不好本則私生 夫上好本則端正之士在前本謂道德之政 上好利

則毀譽之士在側好利則傾巧故毀譽之士在側 上多喜善賞不隨其

功則士不為用雖曰好善及其有功則不能賞故曰士不為用 數出重法而不

克其罪則姦不為止克為勝伏 明王知其然故見必然之政

立必勝之罰故民知所必就而知所必去推則往召則來

如墜重於高如瀆水於地

以譬招來之易也

故法不煩而吏不

勞民無犯禁故有百姓無怨於上上亦法臣法

言亦為臣立法

斷名決無誹譽

依名而斷決則理當而事愜故無誹譽

故君法則主位安

臣法則貨賂止而民無姦嗚呼美哉名斷言澤

依名而斷則其

言順而澤

飾臣克親貴以為名

虛名求實之飾克勝也謂不求親貴以自克勝特此為名

恬爵祿以為高

佯弃爵祿以自安恬以此為高

好名則無實美名外揚內實必喪

為高則不御

恬爵祿者君不能御也

故記曰無實則無勢

勢必以實生

失轡則馬馬制

制馬必以轡制臣必以祿

侵臣事小察以折法令

枉法

行事謂好佞反而行私請佞謂佞詐也故私道行則法

度侵不侵法度則無以成其私刑法繁則姦不禁主嚴誅則失民心

亂臣多造鐘鼓衆飾婦女以惛上故上惛則隙不計而

司聲直祿上既惛暗雖有危亡之隙不能計度而知之其司聲之官直得祿而已不憂其職務也

是以諂臣貴而法臣賤此之謂微孤諂貴法賤則危亡日至故其君衰微

而孤獨愚臣深罪厚罰以為行深文入罪厚致其罰此愚臣之行重賦斂

多冗道以為上冗悅也謂多賦斂以悅道於君使身見憎而主受其謗

厚罰多斂人必憎之故記稱之曰愚忠讒賊此之謂也愚臣雖有忠於主乃

比之

讒賊 姦臣痛言人情以驚主

痛甚極

開罪黨以為讎

引開

罪黨上聞於君與之為讎

除讎則罪不辜

被但讎耳未必皆有罪今而除之則罪不辜之人也

罪不辜則與讎居

既殺不辜則人皆讎已故所與居者莫非讎也

故善言可惡

以自信而主失親

好言可惡之事以告於君此求君之信已也君果信之則失其所親也

亂臣自為辭功祿明為下請厚賞

已有功當得祿則佯辭之以為名其下未

必當賞則明然為之請以求眾心也

居為非毋動為善棟

其居也與眾非者為毋其動也

與佯為善者為棟梁也

以非買名以是傷上

其所以買名者用非道雖曰為之必傷於

上而眾人不知之謂微攻

言為偽善漸攻於君

禁藏第五十三

禘篇四

禁藏於曾脅之內而禍避於萬里之外能以此制彼者唯能

以已知人者也

言度已以察彼則無隱情故姦謀藏於曾脅姦藏禍息故遠避於萬里之外彼不能興姦

生禍則我能制之凡此皆以已知人故也

夫冬日之不濫非愛冰也

濫謂泛冰於水以求

寒所謂濫漿

夏日之不煬非愛火也為不適於身便於體也

冬之

水夏之火皆於身體不適便

夫明王不美宮室非喜小也不聽鐘鼓非

惡樂也為其傷於本事而妨於教也

美宮室聽鐘鼓則傷事而妨教

故先

慎於已而後彼官亦慎內而後外

內則本務外則末業君慎之則臣効民亦

務本而去末

官慎之則民効也

居民於其所樂

居其所樂則敦土而不遷

事之

於其所利

事其所利則不勸而自勵

賞之於其所善

賞其所善則皆悅而立功

罰之

於其所惡

罰其所惡則忌慎而無犯

信之於其所餘財

君人者莫不有餘財期賞而必

故曰功之於其所無誅

必勝殘息誅然後可以為成功

於下無誅者必誅

者也

有罪必誅故能息所謂以刑止刑以殺止殺也

有誅者不必誅者也

有罪不必誅故

誅不

以有刑至無刑者其法易而民全

刑茲無赦人不敢犯故曰以有刑至

無刑若此者其法簡易而民完全

以無刑至有刑者其刑煩而姦多

緩誅宥死

人則輕而犯之故曰無刑至有刑若此者其刑繁漫而姦人多

夫先易者後難

無刑至有刑故曰先

易而後難

先難而後易

有刑至無刑故曰先難而後易

萬物盡然

皆同之法明

王知其然故必誅而不赦必賞而不遷者非喜予而樂

其殺也所以為人致利除害也

賞不遷非喜與誅不赦非樂赦然必其誅賞則

為人致利除害故也

於以養老長弱完活萬民莫明焉

言養老活人無明於

必誅賞

夫不法法則治

言不法者必以法正之故治

法者天下之儀也

儀謂表也

所以決疑而明是非也百姓所縣命也

刑罰一差人無所措

手足故曰縣命

故明王慎之不為親戚故貴易其法

故謂恩舊吏不

敢以長官威嚴危其命

危謂毀敗

民不以珠玉重寶犯其禁

所謂君無欲馬雖賞之不竊

故主上視法嚴於親戚

不為親戚易法故法嚴

吏

之舉令敬於師長

不為師長危令故令敬也

民之承教重於神寶

不為

重寶犯禁故教重夫寶有靈故曰神寶

故法立而不用刑設而不行也

無犯

之人則無所用其刑法

夫施功而不釣位雖高為用者少

施功謂施恩於

有功者施恩不均則有用者怨故雖有高位人不為用

赦罪而不一德雖厚不譽

者多

赦罪不一則毒流不辜雖有厚德人誰譽之

舉事而不時力雖盡其功

不成

方冬植木雖勤似后稷不能成其嘉苗

刑賞不當斷斬雖多其暴不

禁夫公之所加罪雖重下無怨氣私之所加賞雖多士

不為歡行法不道衆民不能順

有道之人必順於道

舉錯不當衆

民不能成

衆尚不成况無衆乎

不攻不備

夫設備者必防攻也

當今為愚人

故聖人之制事也能節宮室適車輿以實藏

不費於宮室車輿則

庫藏自實也

則國必富位必尊能適衣服去玩好以奉本

本謂

農桑

而用必贍身必安矣能移無益之事無補之費通幣

行禮而黨必多交必親矣

移無益無補之費而行禮故黨多交親也

夫衆人

多營於物而苦其力勞其心故困而不贍

營物過分故勞而不贍

大者以失其國小者以危其身凡人之情得所欲則樂

逢所惡則憂此貴賤之所同有也近之不能勿欲

謂所好之

物遠之不能勿忘人情皆然而好惡不同各行所欲

各以所欲

之行而安危異焉

適理而欲則安背理而欲則危

然後賢不肖之形見也

夫物有多寡而情不能等

賢者欲寡不肖者欲多也

事有成敗而意

不能同

賢者意多成不肖者意多敗也

行有進退而力不能兩也

賢者能進

不肖者故立身於中

進退之中也

謂多寡成敗

養有節宮室足以避

燥濕食飲足以和血氣衣服足以適寒溫禮儀足以別

貴賤游虞足以發歡欣棺槨足以朽骨衣衾足以朽肉

墳墓足以道記

道識其處各有記也

不作無補之功

雖曰有功於身無補

不

為無益之事故意定而不營氣情氣情不營則耳目殺

殺善也謂聰明不虧

衣食足耳目殺衣食足則侵爭不生怨怒無

有上下相親兵刃不用矣故適身行義儉約恭敬其唯

無福禍亦不來矣

禍福兩無乃善之至

驕傲侈泰離度絕理其唯

無禍福亦不至矣

禍福兩有乃禍之至

是故君子上觀絕理者以

自恐也

觀絕理者致禍故恐

下觀不及者以自隱也

隱度也度已有不

當效之也

故曰譽不虛出

必出於行善

而患不獨生

必生於為惡

福不

擇家

雖賤家行善福亦來矣

禍不索人

雖貴人行惡禍亦至矣

此之謂也

此凡

欲令修己以致福無恃貴以招禍

能以所聞瞻察則事必明矣

謂耳所聞目所

瞻皆能審察其是非如此則無事不明矣

故凡治亂之情皆道上始

道從也事明則

理反是則亂也

故善者圍之以害牽之以利

有害則圍有利則牽

能利害

者財多而過寡矣

利害由已則避害而取利取利則財多避害故過寡矣

夫凡人

之情見利莫能勿就見害莫能勿避其商人通賈倍道

兼行夜以續日千里而不遠者利在前也

疾至則得利故速行而不

倦也漁人之入海海深萬仞就彼逆流

謂海潮起則水逆流

乘危百

里宿夜不出者利在水也故利之所在雖千仞之山無

所不上深源之下無所不入焉故善者勢利之在而民

自美安

勢利在則人美而安之

不推而往不引而來不煩不擾而

民自富

凡此皆勢利之所致

如鳥之覆卵無形無聲而唯見其成

夫勢利致人若鳥之覆卵馬雖無形聲俄見其成也

夫為國之本得天之時而為

經

經所以本之也

得人之心得紀

紀所以總之也

法令為維網

維網所以

張也

吏為網罟

網罟所以苞之

什伍以為行列

行列所以問具之也

賞誅為

文武

賞則文誅則武

繕農具當器械

農具既繕則器械可修也

耕農當攻戰

耕農之不怠若攻戰之不退也推引鈹耨以當劔戟用鈹耨者必推引之若劔戟擊刺

被蓑以當鎧鏽蓑雨衣被著之所以禦雨露若武備之有鎧鏽者甲周身若褐矣故曰鏽殖

笠以當盾櫓取菹澤草以為笠若武備之有盾櫓也故耕器具則戰器備

具耕器則備戰用也農事習則功戰巧矣習農則當功戰當春三月菽室

燠造燠謂以火乾也三月之時陽氣盛發易生溫疫楸木鬱臭以辟毒氣故燒之於新造之室以禳祓也

鑽燧易火杼井易水所以去茲毒也四時易火至春則取榆柳之火春時

之井又當復杼之以易其水凡此皆去時滋長之毒舉春祭塞久禱以魚為牲以

蘗為酒相召久禱而未報者當享塞之相召謂因此時召親賓所以屬親戚也

毋殺畜生毋拊卵

拊謂擊剝之也

毋伐木毋夭英

英謂草木之初生也

拊竿

竿竿之初生也

所息百長也

所以息生百物之長

賜鰥寡振孤獨貸

無種與無賦所以勸弱民

謂勸勉貧弱之人也

發五正

正謂五官正也

薄罪出拘民解仇讎

仇讎者和讎令反去

所以建時功施生穀也

謂及時立農功施力為生穀凡此皆春令

夏賞五德

五德謂五常之德

滿爵祿遷官

位禮孝弟復賢力所以勸功也

賢而有功賞復除之此皆夏令

秋行五

刑誅大罪所以禁淫邪止盜賊

凡此皆秋令

冬收五藏

五穀之藏

最萬物所以內作民也

凡此皆冬令

四時事備而民功百

倍矣

於四時事皆備故人有百倍之功

故春仁夏忠秋急冬閉

生者仁也長者

忠也收當急也藏當閉也

順天之時約地之宜忠人之和

忠猶稱也事稱人理

則和故風雨時五穀實草木美多六畜蕃息國富兵彊民

材而令行

人多材藝而順上命故令行也

內無煩擾之政外無彊敵之

患也夫動靜順然後和也不失其時然後富不失其法

然後治故國不虛富

必不失財然後富也

民不虛治

必不失法然後治

不

治而昌不亂而亡者自古至今未嘗有也

昌必國理亡必國亂反是

者古今所未有故國多私勇者其兵弱

私勇則怯於公戰故弱

更多私智

者其法亂

私智則營己而背公故多亂

民多私利者其國貧

私則利積於家

故國貧

故德莫若博厚使民死之

博厚則感人深故死之也

賞罰莫若

必成使民信之夫善牧民者非以城郭也輔之以什司之

以伍

謂什長伍長

伍無非其人

雖伍長亦選能者為之也

人無非其里

謂無

寄客

里無非其家

言不離居他人家

故奔亡者無所匿遷徙者無

所容

有什伍司之不容他寄也

不求而約不召而來

亡徙無所容匿故不求召而自

來

故民無流亡之意吏無備追之憂

人說不亡何所備而追之

故主

政可往於民民心可繫於主

謂繫屬於主

夫法之制民也猶

陶之於埴治之於金也

人之從法若埴金之從陶治也

故審利害之所

在民之去就如火之於燥濕水之於高下

火水之就燥下猶人之就

利夫民之所生衣與食也食之所生水與土也所以富

民有要食民有率率三十畝而足於卒歲兼美惡畝取

一石則人有三十石果蓏素食當十石

果蓏不以火化而食故曰素食

糠粃六畜當十石則人有五十石布帛麻絲旁入奇利

味在其中也

奇餘言不在五十石之中也

故國有餘藏民有餘食

每年

人有五十石故藏皆餘也

夫叙鈞者所以多寡也

叙鈞謂叙比其均平

權衡者

所以視重輕也戶籍田結者所以知貧富之不訾也

謂每

戶置籍每田結其多少則貧富不依訾限者可知也

故善者必先知其田乃知其

人

田多則人多田少則人少

田備然後民可足也凡有天下者以情

伐者帝

謂深知敵之內情而伐者帝也

以事伐者王

見其於事有失而伐者王以政

伐者霸

見其政有失而伐者霸

而謀有功者五

謂計謀可以成功

一曰視

其所愛以分其威

令敵國之所愛者各權則其威分也

一人兩心其內必

衰也

威分則每人各懷二心二則力不齊故內衰也

臣不用其國可危

臣既不為

君用力故其國可危

二曰視其陰所憎厚其貨賂得情可深

視敵所憎

者多與賂令以國情
告已故深得其情
身內情外其國可知
謂所憎者身
在國內情乃

告外其國
可知也
三曰聽其淫樂以廣其心
使之聽淫樂
心廣於嗜欲遺以

竽瑟美人以塞其內
射於竽瑟美女則心
惑亂故其內閉塞也遺以諂臣文

馬以蔽其外
耳惑於諂臣目惑於文馬
則耳目喪矣故其外蔽也外內蔽塞可以

成敗
內外蔽塞則理擁
而見惑故莫不敗四曰必深親之如典之同生
典

也若常與
之同生也陰內辯士使圖其計
私俠辯士令
與敵國圖計內勇士使

高其氣
彼得勇士則
恃而氣高也內人他國使倍其約絕其使拂其

意
更納人於他國令背絕
使兩國之意相違也是必士鬪兩國相敵必承其

弊

亦既相疑其士必鬪兩國敵則小傷大國以承其弊乃有一舉兩獲之功也

五曰深察其

謀

欲知其謀得失也

謹其忠臣

欲知其臣之用不

揆其所使

欲知其所使賢不肖

令內不信使有離意

內既不信相疑則使其君臣之意絕

離氣不能令必

內自賊

君臣意離別不可使令既不命則自相殘殺

忠臣已死故政可奪

人之

云亡邦國殄瘁故其政可奪

此五者謀功之道也

管子卷十七

欽定四庫全書

管子卷十八

唐 房玄齡 注

入國第五十四

謂始有國
入而行化

權篇五

入國四旬五行九惠之教

旬即巡也謂四而五
方行而施九惠之教

一曰老

老二曰慈幼三曰恤孤四曰養疾五曰合獨六曰問疾

七曰通窮八曰振困九曰接絕所謂老老者凡國都皆

有掌老

謂置掌
老之官

年七十已上一子無征

不預國
之征稅

三月有

饋肉

謂官饋之內

八十已上二子無征月有饋肉九十已上

盡家無征日有酒肉死上共棺槨勸子弟精膳食問所

欲求所嗜

問老者何所欲求訪其所以嗜欲而供也

此之謂老老所謂慈幼

者凡國都皆有掌幼士民有子子有幼弱不勝養為累

者

勝堪也謂不堪自養故為累

有三幼者無婦征四幼者盡家無征

五幼又予之祿

祿今之教母

受二人之食

官給二人之食

能事而後

止

幼者漸長能自管事然後止其養

此之謂慈幼所謂恤孤者凡國都

皆有掌孤士人死子孤幼無父母所養

既無父母又無所養之親也

不能自生者屬之其鄉黨知識故人養一孤者一子無

征養二孤者二子無征養三孤者盡家無征掌孤數行

問之必知其食飲飢寒身之臍胫而哀憐之

臍瘦也
胫肥也

此

之謂恤孤所謂養疾者凡國都皆有掌養疾聾盲啞

跛躄徧枯握遞

遞著也謂兩手相拱著
而不申者謂之握遞

不耐自生者上

收而養之疾

既養之又
與療疾

官而衣食之

謂官給
之衣食

殊身而後

止

殊猶離也疾離
身而後止其養

此之謂養疾所謂合獨者凡國都皆

有掌媒丈夫無妻曰鰥婦人無夫曰寡取鰥寡而合和

之予田宅而家室之三年然後事之

事謂供國之職役也

此之謂

合獨所謂問疾者凡國都皆有掌病士人有病者掌病以上

令問之九十以上日一問八十以上二日一問七十以上三日

一問衆庶五日一問疾甚者以告上身問之掌病行於國中

以問病為事此之謂問病所謂通窮者凡國都皆有通窮

若有窮夫婦無居處窮賓客絕糧食居其鄉黨以聞者

有賞不以聞者有罰此之謂通窮所謂振困者歲凶庸

人訾厲

訾疾也厲病也

多死喪弛刑罰赦有罪散倉粟以食之

此之謂振困所謂接絕者士民死上事死戰事使其知
識故人受資於上資謂財用而祠之此之謂接絕也

九守第五十五

主位 主明 主聽 主賞
主問 主因 主周 主參

督名

禘篇六

安徐而靜

人居位當安徐而又靜默

柔節先定

以和柔為節先能定已然後可定人

虛

心平意以待須

虛其心平其意以待臣之諫說須亦待也

右主位

人主居位當如此

目貴明耳貴聰心貴智以天下之目視則無不見也以

天下之耳聽則無不聞也以天下之心慮則無不知也

輻湊竝進則明不塞矣

言聖人不自用其聰明思慮而任之天下故明者為之視聰者

為之聽智者為之謀輻湊竝進不亦宜乎故曰明不可塞

右主明

主明在於用天下耳目視聽之

聽之術曰勿望而距勿望而許

聽言之術必須審察不可望風則有所距有所

許也許之則失守距之則閉塞

既未審察輒有距而許之故或失守或閉塞高

山仰之不可極也深淵度之不可測也

不審察者常為彼所知故戒之

當如高山深淵不可極而測之神明之德正靜其極也

既如山淵則其德配神明而正

且靜如此者
其有窮極矣

右主聽

用賞者貴誠用刑者貴必刑賞信必於耳目之所見則其所不見莫不闇化矣誠暢乎天地通於神明見姦偽

也既暢天地通神明故有姦偽必能見之

右主賞

一曰天之二曰地之三曰人之

言三才之道幽遠深遠必問於賢者而後行之

四曰上下左右前後

凡此皆有逆順之宜故預問之

熒惑其處安在

又預

知法星
所在也

右主問

心不為九竅九竅治

心任九竅
九竅自治

君不為五官五官治

任君

五官故五
官自治之

為善者君予之賞為非者君予之罰君因其

所以來因而予之則不勞矣

自來而又得
賞何勞之有

聖人因之故

能掌之

掌主也因而來而賞物
皆屬己故能主之

因之修理故能長久

右主因

人主不可不周

周謂謹
密也

人主不周則羣臣下亂

不周則
泄其機

事故臣下交
爭而亂也

寂乎其無端也

慎密者
常如是

外內不通安知所

怨

外內不通則事
不泄故無怨

關閉不開善否無原

既不開其關閉
故善之與不善不

得知其

原矣

右主周

一曰長目二曰飛耳三曰樹明明知千里之外隱微之

中曰動姦姦動則變更矣

姦在隱微其理將動
姦既動矣自然變更

右主參

修名而督實按實而定名名實相生反相為情名實當

則治不當則亂名生於實實生於德德生於理理生於
智智生於當

右督名

桓公問第五十六

稷篇七

齊桓公問管子曰吾念有而勿失得而勿忘為之有道
乎對曰勿創勿作時至而隨毋以私好惡害公正察民
所惡以自為戒人有所惡已行之非黃帝立明臺之議者上觀於
賢也堯有衢室之問者下聽於人也舜有告善之旌而

主不蔽也禹立諫鼓於朝而備訊唉

訊問也唉驚問也

湯有總

街之庭以觀人誹也武王有靈臺之復而賢者進也

復謂

也白此古聖帝明王所以有而勿失得而勿忘者也桓公

曰吾欲效而為之其名云何對曰名曰噴室之議

謂議論者言語

謹噴曰法簡而易行刑審而不犯事約而易從求寡而易

足人有非上之所過謂之正士

見上有過而非之可謂正士

內於噴

室之議

納正士之言著為噴室之議

有司執事者咸以厥事奉職而

不忘為此噴室之事也請以東郭牙為之此人能以正

事爭於君前者也桓公曰善

度地第五十七

雜篇八

昔者桓公問管仲曰寡人請問度地形而為國者其何如而可管仲對曰夷吾之所聞能為霸王者蓋天子聖人也故聖人之處國者必於不傾之地

言其處深厚岡原複壯者謂之

不而擇地形之肥饒者鄉山左右經水若澤

其國都或在山左或

向山右及緣水澤然後建

內為落渠之寫因大川而注焉

謂於都內更為落水

之渠以注於大川

乃以其天材地之所生利養其人以育六畜

天材謂五穀之屬因天時而植者也天下之人皆歸其德而惠其義惠順乃

別制斷之

乃分別其地制而斷之

州者謂之術

地數充為州者謂之術

不滿

術者謂之里

不成術而餘者謂之里

故百家為里里十為術術十

為州州十為都都十為霸國不如霸國者國也

不成於霸國者

諸侯之國也

以奉天子

霸國率諸侯以奉天子也

天子有萬諸侯也其中

有公侯伯子男焉天子中而處此謂因天之固

所處之地自然不傾

故曰歸地之利內為之城城外為之郭郭外為之土閭

閭謂

地高則溝之下則隄之命之曰金城樹以荆棘上

隄

相穡著者所以為固也

穡鈞也謂荆棘刺條相鈞連也

歲修增而母已

時修增而母已福及孫子此謂人命萬世無窮之利人

君之葆守也

謹置國都繕修城郭此人君所保全而守

臣服之以盡忠於君

君體有之以臨天下故能為天下之民先也此宰之任

則臣之義也

宰謂執君之政者也

故善為國者必先除其五害人

乃終身無患害而孝慈焉桓公曰願聞五害之說管仲

對曰水一害也旱一害也風霧雹霜一害也厲一害也

蟲一害也

厲疾病也

此謂五害五害之屬水最為大五害已

除人乃可治桓公曰願聞水害管仲對曰水有大小又

有遠近水之出於山而流入於海者命曰經水

言為衆水之經

水別於他水

謂從他水分流若江別為沱

入於大水及海者命曰枝

水

言為之枝

山之滿一有水一毋水者命曰谷水水之出於

他水滿流於大水及海者命曰川水出地而不流者命

曰淵水此五水者因其利而往之可也

謂因地之勢疏引以溉灌因

而扼之可也

扼塞也恐其泛溢而塞之亦可也

而不久常有危殆矣

謂卒

有暴溢或能漂沒居人故危殆也

桓公曰水可扼而使東西南北及高

乎管仲對曰可夫水之性以高走下則疾至於澗石

謂能

澗石

而下向高卽留而不行故高其上領瓴之尺有十

分之三里滿四十九者水可走也

上謂水從來處高之者欲注下取勢也瓴

謂瓴甌也言欲令水上高必大為瓴甌私空其中使前後相受以尺為分每領而有十尺卽長一丈也分之於

三里間之每里滿此九如此則水可走上矣

乃迂其道而遠之以勢行之

行曲

也謂下曲水道遠張其勢而以行水水之性行至曲必留退滿則後推前

謂水至處必流而却退其處既滿則後水推前水令去

地下則平行地高卽控

控謂

言水順控而却

杜曲則擣毀

杜猶衝也擣觸也言水行至曲則衝而擣有所毀傷

杜曲激

則躍躍則倚

倚排也謂前後相排也

倚則環環則中

前後相排則圖流生空若

環之中所謂奪

中則涵

圖流無所通則相涵激也

涵則塞塞則移移則控

亦

也

控則水妄行水妄行則傷人傷人則困困則輕法輕

法則難治難治則不孝不孝則不臣矣故五害之屬傷

殺之類禍福同矣知備此五者人君天地矣

所謂與天地合其德

桓公曰請問備五害之道管子對曰請除五害之說以

水為始請為置水官令習水者為吏大夫大夫佐各一

人率部校長官佐各財足

財謂其祿廩

乃取水左右各一人

使為都匠水工

為水工之都匠

令之行水道城郭堤川溝池官

府寺舍及州中當繕治者給卒財足

卒謂所當治水者財其糧用也

令

曰常以秋歲末之時閱其民

閱謂省視

案家人比地定什伍

口數

案人比地有十口五口之數當受地若干

別男女大小其不為用者輒

免之

謂其幼小不在役者則免之

有錮病不可作者疾之

若其名於疾者之數

有以賜恤之也

可省作者半事之

謂疾者雖不任役可以省視作者取其半功

并行

以定甲士當被兵之數上其都

因力役之際并行視之強壯者預定之以為甲

士而被兵之數既而上其名籍於國都也

都以臨下視有餘不足之處輒下

水官水官亦以甲士當被兵之數

都既臨下視其兵不足之處卽甲士下之

於水官水官既得甲士遂以備兵數也

與三老里有司伍長行里因父母

案行閱具備水之器

謂水官與三老五長等行視其里因其家之父母與之閱其備水之

器以冬無事之時籠缶板築各什六

謂什人共貯六具下準此土車

什一雨葦什二

車葦所以禦雨故曰雨葦

食器兩具

每人兩具

人有之錮

藏里中以給喪器

謂人既有貯器當錮藏於里中兼得給凶喪之用

後常令水

官吏與都匠因三老里有司伍長案行之常以朔日始

出具閱之取完堅補弊久去苦惡

其器既補弊而久常有苦惡者除去之常

以冬少事之時令甲士以更次益薪積之水旁州大夫

將之唯毋後時

謂將領之無得後時

其積薪也以事之已

已畢也農事既

畢然後

其作土也以事未起

謂春事未起

天地和調日有長

久以此觀之其利百倍故常以無事具器有事用之水
常可制而使毋敗此謂素有備而豫具者也桓公曰當
何時作之管子曰春三月天地乾燥水糾列之時也山
川涸落天氣下地氣上萬物交通故事已新事未起草
木莢生可食寒暑調日夜分分之後夜日益短晝日益

長利以作土功之事土乃益剛令甲士作隄大水之旁
大其下小其上隨水而行地有不生草者必為之囊大
者為之隄小者為之防夾水四道木稼不傷歲埤增之
樹以荆棘以固其地襟之以栢楊以備決水民得其饒
是謂流膏令下貧守之往往而為畧可以無敗當夏三
月天地氣壯大暑至萬物榮華利以疾蕪殺草蕪使令
不欲擾命曰不長不利作土功之事放農馬利皆耗
十分之五土功不成當秋三月山川百泉踊降雨下山


水出海路距雨露屬天地湊汐利以疾作收斂毋留一
日把百日舖民毋男女皆行於野不利作土功之事濡
濕日生土弱難成利耗什分之六土工之事亦不立當
冬三月天地閉藏暑雨止大寒起萬物實熟利以填塞
空却繕邊城塗郭術平度量正權衡虛牢獄實厩倉君
修樂與神明相望凡一年之事畢矣舉有功賞賢罰有
罪遷有司之吏而第之不利作土工之事利耗什分之
七土剛不立晝日益短而夜日益長利以作室不利以

作堂四時以得四害皆服桓公曰寡人悖不知四害之
服奈何管仲對曰冬作土功發地藏則夏多暴雨秋霖
不止春不收枯骨朽脊伐枯木而去之則夏旱至矣夏
有大露原煙噎下百草人采食之傷人人多疾病而
不止民乃恐殆君令五官之吏與三老里有司伍長行
里順之令之家起火為溫其田及宮中皆蓋井毋令毒
下及食器將飲傷人有下蟲傷禾稼凡天蓄害之下也
君子謹避之故不入九死也大寒大暑大風大雨其至

不時者此謂四刑或遇以死或遇以生君子避之是亦傷人故吏者所以教順也三老里有司伍長者所以為率也五者已具民無願者願其畢也故常以冬日順三老里有司伍長以冬賞罰使各應其賞而服其罰五者不可害則君之法犯矣此示民而易見故民不比也

桓公曰凡一年之中十二月作土功有時則為之非其時而敗將何以待之管仲對曰常令水官之吏冬時行隄防可治者章而上之都都以春少事作之已作之後

常案行隄有毀作大雨各葆其所可治者趣治以徒隸
給大雨隄防可衣者衣之衝水可据者据之終歲以毋
敗為固此謂備之常時禍何從來所以然者獨水蒙壤
自塞而行者江河之謂也歲高其隄所以不沒也春冬
取土於中秋夏取土於外濁水入之不能為敗桓公曰
善仲父之語寡人畢矣然則寡人何事乎哉亟為寡人
教側臣



管子卷十八

欽定四庫全書

子部
管子卷
十九
二十

詳校官中書臣徐志晉

編修臣倉聖脈覆勘

總校庶吉士臣倉聖脈

校對庶吉士臣錢世錫

謄錄監生臣曹錫璜

欽定四庫全書

管子卷十九

唐房玄齡注

地員第五十八

地員者土地高下水泉深淺各有其位

樛篇九

夫管仲之匡天下也其施七尺

施者大尺之名也其長十尺

瀆田悉

徙

瀆田謂穿溝瀆而溉田悉徙謂其地每年皆須更易也

五種無不宜其立后而

手實

謂立君以主之手常握此地之實數也

其木宜蚺菴與杜松

蚺菴二木名也

其草宜楚棘見是土也命之曰五施五七三十五尺而

至於泉

謂其地深五施每施七尺故五七三十五而至於泉也

呼音中角

謂此地號呼之

聲其音中角

其水倉其民彊赤廬歷彊肥

歷疎也彊堅也

五種無不

宜其麻白其布黃其草宜白茅與藿其木宜赤棠見是

土也命之曰四施四七二十八尺而至於泉呼音中商其

水白而甘其民壽黃唐無宜也

唐虛脫也

唯宜黍稷也宜縣

澤常宜縣注而澤

行廡

音牆

落

土既虛脫不堪版築故為行廡及籬落也

地潤數毀難

以立邑置廡

其地遇潤則數頽毀故不可立邑置廡也

其草宜黍稷與茅其

木宜樵擾桑

樵木名擾柔又曰柔桑也

見是土也命之曰三施三七

二十一尺而至於泉呼音中宮其泉黃而糗流徙

謂水糗糗

之氣其泉居地中而流故曰流徙也

斥埴宜大菽與麥其草宜蒨藿其木

宜杞

杞木名也

見是土也命之曰再施二十七尺而至於

泉呼音中羽其泉鹹水流徙黑埴宜稻麥其草宜葦菰

葦菰草名也

其木宜白棠見是土也命之曰一施七尺而至

於泉呼音中徵其水黑而苦

凡聽徵如負豭豕覺而駭凡聽羽如鳴馬在野凡聽宮如牛鳴窳中凡聽商如離羴羊凡聽角如雉登木以鳴

音疾以清凡將起五音凡首

凡首謂音之總先也

先主一而三之

四開以合九九

一而三之即四也以是四開合於五音九也又九九之為八十一也

以是

生黃鍾小素之首以成宮

素本宮八十一數生黃鍾之宮而為五音之本

三分

而益之以一為百有八為徵

黃鍾之數本八十一益以三分之一二十七通前為

百有八是為徵之數

不無有三分而去其乘適足以是生商

不無有即

有也乘亦三分之一也三分百八而去一餘七十二是商之數也

有三分而復於其所

以是成羽

三分七十二而益其一分二十四合為九十六是羽之數

有三分去其乘

適足以是成角

三分九十六去其一分餘六十四是角之數

墳延者六施六

七四十二尺而至於泉

塋地名下皆此類

陝之芳七施七七四十

九尺而至於泉祀陝八施七八五十六尺而至於泉杜陵

九施七九六十三尺而至於泉延陵十施七十尺而至於

泉環陵十一施七十七尺而至於泉蔓山十二施八十四

尺而至於泉付山十三施九十一尺而至於泉付山白徒十

四施九十八尺而至於泉中陵十五施百五尺而至於泉

青山十六施百一十二尺而至於泉青龍之所居庚泥不

可得泉

庚續其處既有青龍居又沙泥相續故不可得泉也

赤壤勢山十七施百一

十九尺而至於泉其下清商不可得泉

清商神
恠之名

陞山白

壤十八施百二十六尺而至於泉其下駢石不可得泉

言有

石駢密故
不可得泉

徙山十九施百三十三尺而至於泉其下有灰

壤不可得泉高陵土山二十施百四十尺而至於泉山之

上命之曰縣泉其地不乾其草如茅與走

如茅走
皆草名

其水乃

楠

楠木
名

鑿之二尺乃至於泉山之上命曰復呂其草魚腸

與籓其木乃柳鑿之三尺而至於泉山之上命之曰泉英

其草蘄白昌其木乃楊鑿之五尺而至於泉山之材

材
猶

秀也其草莢與蕎音蕎其木乃格鑿之二七十四尺而至

於泉山之側其草藹與萑其木乃品榆鑿之三七二十

一尺而至於泉凡草土之道各有穀造謂此地生某草宜其穀造成也

或高或下各有草土葉下於鬻葉亦草名唯生葉無莖在鬻之下鬻即鬻也莊

周所謂鬻西也鬻下於覓覓下於蒲蒲下於葦葦下於藿藿下

於萑萑下於莽莽下於蕭蕭下於薜薜下於萑萑下於

茅凡彼草物有十二衰衰謂草上下相重次也各有所歸謂短者生於高

下者之九州之土為九十物每州有常而物有次羣土之

長是唯五粟五粟之物或赤或青或白或黑或黃五粟

五章五粟之狀淖而不朋剛而不敵

敵薄

不濇車輪

濇泥

不

汚手足其種大重細重白莖白秀無不宜也五粟之土

若在陵在山在隕在衍其陰其陽盡宜桐柞莫不秀長

其榆其柳其檉其桑其柘其櫟其槐其楊羣木蕃滋數

大條直以長其澤則多魚牧則宜牛羊其地其樊俱宜

竹箭藻龜櫛檀五臭生之薜荔白芷蘼蕪椒連五臭所校

校謂馨烈之銳

寡疾難老士女皆好其民工巧其泉黃白其人

夷妬

夷平也妬好也言均善也

五粟之土乾而不格

格謂堅

湛而不

澤無高下稛澤以處

言常潤也

是謂粟土粟土之次曰五沃

五沃之物或赤或青或黃或白或黑五沃五物各有異

則五沃之狀剽恣素土蟲易全處

剽堅也恣密也素土謂其土多竅穴若素

多竅故蟲處之易全

恣剽不白下乃以澤

既堅密故常潤濕而不乾白此乃稛澤之地也

其種大苗細苗蝕

音形

莖黑秀箭長

蝕卽赤也箭長謂若箭竹之長也

五

沃之土若在丘在山在陵在岡若在阪陵之陽其左其

右宜彼羣木桐柞扶櫨及彼白梓其梅其杏其桃其李

其秀生莖起其棘其棠其槐其楊其榆其桑其杞其枋
羣木數大條直以長其陰則生之楂梨其陽則安樹之
五麻若高若下不擇疇所其麻大者如箭如葦大長以
美其細者如藿如蒸欲有與各大者不類

欲有施與則以麻之大而

類也

小者則治揣而藏之若衆練絲

言細麻既治揣而藏故若練絲

五臭

疇生

疇隴也謂為隴而種也

蓮與蘼蕪藁本白芷其澤則多魚牧

則宜牛羊其泉白青其人堅勁寡有疥騷終無疝醒

疝首

疾也醒酒病也

五沃之土乾而不斥

斥瀉

湛而不澤無高下徐

澤以處是謂沃土沃土之次曰五位五位之物五色襟

英各有異章五位之狀不塌不灰塌謂堅不相著青志以落音苔

及謂色青而細密和落以相及也其種大葦無細葦無桮莖白秀五位

之土若在岡在陵在隕在衍在丘在山皆宜竹箭求鬮

求鬮亦竹類也猶檀其山之淺有龍與斥龍斥並古草名羣木安逐條

長數大安和易逐燒長數謂速長其桑其松其杞其苻苻木名種木胥

容榆桃柳棟音煉羣藥安生薑與桔梗小辛大蒙大蒙藥名其

山之臬臬猶顛也多桔符榆其山之未有箭與苑其山之旁

有彼黃蠶及彼白昌山藜葦芒羣藥安聚以圍民殃其

林其澆其槐其棟其柞其穀羣木安逐鳥獸安施施謂有以

為生既麋麋又且多鹿其泉青黑其人輕直省事少食

言其性廉省事少食無高下祿澤以處是謂位土位土之次曰五

隲五隲之狀黑土黑落落地衣也青怵以肥芬然若灰芬然壤起

貌其種欄葛蝨莖菁秀志目志目謂殼實怒開也其葉若苑苑謂結

以蓄殖果木不若三土三土謂五位以十分之二言於三土

十分已不如其二分餘微此是謂隲土隲土之次曰五壤五壤之狀

芥然若澤若屯土

言其土得澤則墳起為堆故曰屯土也

其種大水腸細

水腸蝕莖黃秀以慈忍水旱無不宜也

耐忍

蓄殖果木不

若三土以十分之二是謂壤土壤土之次曰五浮五浮

之狀捍然如米

捍堅貌其上屑碎如米

以葆澤不離不圻其種隱

忍

隱忍草名

隱忍葉如藿葉以長狐茸

草之狀若狐也

黃莖黑莖黑秀

其粟大無不宜也蓄殖果木不如三土以十分之二凡

上土三十物種十二物中土曰五恚五恚之狀廩然如

盪

盪猶壚也

潤濕以處其種大稷細稷蝕莖黃秀慈忍水旱

細粟如麻

其繁美若麻也

蓄殖果木不若三土以十分之三志

土之次曰五纏

音盧

五纏之狀彈力剛堅其種大邯鄲細

邯鄲

草名

莖葉如扶櫨

扶櫨亦草名

其粟大

言其粒大

蓄殖果木不

若三土以十分之三纏土之次曰五盪五盪之狀芬焉

若糠以肥

謂其地色黃而虛

其種大荔細荔青莖黃秀蓄殖果

木不若三土以十分之三盪土之次曰五剽五剽之狀

華然如芬以脹

謂其地色青紫若脹然也

其種大柘細柘

柘黑

黑莖

青秀蓄殖果木不若三土以十分之四剽土之次曰五

沙五沙之狀粟馬如屑塵厲

言其地粟碎故若屑塵之厲厲踊起也

其種

大萆細萆

萆草名

白莖青秀以蔓蓄殖果木不如三土以

十分之四沙土之次曰五塌五塌之狀累然如僕累

僕附

也言其地附若而重累也

不忍水旱其種大樛杞細樛杞

木名

黑莖黑

秀蓄殖果木不若三土以十分之四凡中土三十物種

十二物下土曰五猶五猶之狀如糞其種大華細華

草名

白莖黑秀蓄殖果木不如三土以十分之五猶土之次

曰五弘五弘之狀如鼠肝其種青梁黑莖黑秀蓄殖果

木不如三土以十分之五，弘土之次曰五殖，五殖之狀

甚澤以疏離，圻以膠堵，其種鴈膳。

草名

黑實朱跗黃實

跗花

足也蓄殖果木不如三土以十分之六，五殖之次曰五穀

五穀之狀婁婁然

婁婁，疏也

不忍水旱，其種大菽細菽，多白

實蓄殖果木不如三土以十分之六，穀土之次曰五鳧

五鳧之狀堅而不脆

雖堅不同，骨之脆也

其種陵稻

陵稻，謂陸生稻

黑鵝

馬夫

皆草名也

蓄殖果木不如三土以十分之七，鳧土之次

曰五桀，五桀之狀甚鹹，以苦其物為下，其種白稻長狹

謂稻之形
長而狹也

蓄殖果木不如三土以十分之七凡下土三
十物其種十二物凡土物九十其種三十六

弟子職第五十九

禘篇十

先生施教弟子是則溫恭自虛

必虛其心然
後有所容也

所受是極

極謂盡
其本原

見善從之聞義則服溫柔孝悌毋驕恃力

驕而
恃力

則飛羊
觸藩

志毋虛邪

虛謂
虛偽

行必正直游居有常必就有德

顏色整齊中心必式

式法

夙興夜寐衣帶必飾朝益暮習

小心翼翼一此不解是謂學則

少者之事夜寐蚤作既拚盥漱

掃席前曰拚盥漱手漱潄口

執事有

恪攝衣共盥

謂供先生之盥器也

先生乃作沃盥徹盥

謂既盥而徹盥器也

汎拚正席

汎拚謂汎水而拚之

先生乃坐出入恭敬如見賓客危

坐鄉師顏色毋忤

忤謂變其容貌

受業之紀必由長始

先從長者教也

一周則然其餘則否

謂始教一周則從長始一周之外則不然

始誦必作其

次則已

始誦而作以敬事端也至於次誦則不然

凡言與行思中以為紀

思合中和以為綱紀

古之將興者必由此

始

必先中和然後可興

後至就席狹坐則起

狹坐之人見後至者則當起

若有

賓客弟子駿作

迅起也

對客無讓應且遂行趨進受命

先受

生

命所求雖不在必以反命

求雖不得必當反白

反坐復業若有所

疑捧手問之師出皆起至於食時先生將食弟子饌饋

饋謂選具其食

攝衽盥漱跪坐而饋置醬錯食陳膳毋悖凡置

彼食鳥獸魚鼈必先菜羹

先菜後肉食之次也

羹載中別

載謂肉而細切

載在醬前

遠載近醬食之便也

其設要方

其陳設食器要令成方也

飯是為卒

既飯而食則卒也

左酒右醬

左酒右醬陰陽也

告具而退捧手而立三

飯二叶

三飯食必二毀叶也

左執虛豆右執挾匕

匕者所以載鼎實故曰挾匕也

周還而貳

貳謂再益

唯噍之視

食盡曰噍

同噍以齒

齒類也謂食者則以其所

盡之類而進

周則有始柄尺不跪是謂貳紀

豆有柄長尺則立而進之此是

再益之細紀也

先生已食弟子乃徹趨走進漱拚前斂祭

既食畢掃

席前并搜斂所祭也

先生有命弟子乃食以齒相要坐必盡席

謂所

食坐盡前

飯必捧擊羹不以手

當以挾也

亦有據膝毋有隱肘

隱肘

則大伏也

既食乃飽循屣覆手

屣口也覆手而循之所以拭其不潔也

振衽掃

席

謂振其底社以拂席之汚

已食者作摠衣而降旋而鄉席各徹其

餽如於賓客

賓客食畢亦自徹也

既徹并器乃還而立

并謂藏去也

凡

拚之道實水于盤

次用泛灑

攘臂袂及肘

恐濕其袂且不便於事也

堂上

則播灑室中握手

堂上寬故播散而灑室中隘故握手為掬以灑

執箕膺揲厥

中有帚

揲古也既灑水將掃之故執箕以古自當置帚於箕中也

入戶而立其儀不

忒執帚下箕倚於戶側

謂倚箕於戶側也

凡拚之紀必由奧始

西南隅也

俯仰磬折拚毋有徹

徹動也不得觸動他物也

拚前而退

謂從前掃

而却退也

聚於戶內

謂聚其所掃之穢壞於戶內也

坐板排之

板穢時以手排之也

葉適已

適已猶向已也

實帚於箕先生若作乃興而辭

以拚未畢故辭

之令止也坐執而立

坐執謂獨坐執箕也

遂出弃之既拚反立是協是

稽

協合也稽考也謂合考書義也

暮食復禮

謂復朝之禮也

昏將舉火執燭隅

坐錯總之法橫於坐所

總設燭之束也

櫛之遠近乃承厥火

謂櫛

燭盡察其將盡之遠近乃更以燭承取火也

居句如矩

句謂著燭處言居燭於句如前燭之法矩

法蒸間容蒸然者處下

蒸細薪者蒸之間必令容蒸然燭者必處下以焚也

捧椀

以為緒

緒然燭爐也稅所以貯緒也

右手執燭左手正櫛有墮代燭

燒燭者有墮即令其次代之也

交坐毋倍尊者乃取厥櫛遂出是去先

生將息弟子皆起敬奉枕席問所何趾俶社則請有常

則否

俶始也變其社席則當問其所趾若有常處則不請也

先生既息各就其友

相切相磋各長其儀周則復始是謂弟子之紀

言昭第六十七

禱篇十一

脩身第六十七

禱篇十二

問霸第六十七

禱篇十三

牧民解第六十三

管子解一

管子卷十九